



JABATAN HAL EHWAL VETERAN ATM KEMENTERIAN PERTAHANAN



UNIT KOMUNIKASI KORPORAT
301 Medan Tuanku, Jalan Tuanku Abdul Rahman, 50100 Kuala Lumpur

Tel : 03-20508000 Faks : 03-26917564

SIARAN MEDIA

Jabatan Hal Ehwal Veteran ATM (JHEV ATM) telah mengeluarkan kenyataan berikut:

PENYERAHAN KIT BANJIR OLEH KETUA PENGARAH JHEV ATM KEPADA VETERAN ATM KELANTAN DAN TERENGGANU

14 JANUARI 2023 - Mejar Jeneral Zambery Jefry bin Haji Darus, Ketua Pengarah Jabatan Hal Ehwal Veteran ATM (JHEV ATM), telah melaksanakan penyerahan sumbangan bantuan banjir kepada Veteran ATM yang terkesan bencana banjir di sekitar Rantau Panjang, Kelantan dan Hulu Terengganu yang melanda Kelantan dan Terengganu baru-baru ini. Ketua Pengarah berkesempatan menyantuni Veteran ATM yang terlibat dalam bencana banjir pada majlis ini yang diadakan di Masjid Baiturrahman Kg Gual Nering, Rantau Panjang, Kelantan.

Sumbangan bantuan ini terdiri Kit Bantuan Banjir yang mengandungi pelbagai barangan penjagaan diri, bantuan makanan sumbangan Humanitarian Care Malaysia Berhad (MyCARE), sumbangan PUSPANITA Cawangan Kecil JHEV ATM dan lain-lain. Dengan penyerahan sumbangan bantuan banjir diharap dapat meringankan beban mangsa banjir sekaligus menampung keperluan sementara mereka. Turut hadir dalam sesi penyampaian adalah 16 wakil Persatuan-persatuan Veteran ATM dari Negeri Kelantan dan 8 wakil Persatuan dari Negeri Terengganu.

Mejar Jeneral Zambery Jefry berkata, aduan dan suara veteran sentiasa menjadi keutamaan pihaknya, lebih-lebih lagi dalam menyediakan pelbagai skim bagi membantu golongan memerlukan. JHEV ATM komited dalam menjaga kebajikan Veteran ATM dari pelbagai aspek termasuk berpunca dari bencana alam antaranya seperti ribut, kebakaran dan sebagainya. JHEV ATM peka dan prihatin terhadap kebajikan dan kesejahteraan Veteran ATM sejajar jasa bakti dan pengorbanan dicurahkan selama ini, dalam menentukan keamanan dan keselamatan negara sentiasa terpelihara.

Untuk sebarang pertanyaan, sila hubungi **Pengarah JHEV ATM Cawangan Negeri Kelantan dan Terengganu, Mej Syed Mohd Ifandi bin Syed Jaafar (013-3507489)** atau **Penyelia Unit Komunikasi Korporat JHEV ATM, BK PNK Nurmazura binti Abd Majid (013-2202817)**.

**JABATAN HAL EHWAL VETERAN ATM
KEMENTERIAN PERTAHANAN
KUALA LUMPUR
14 JANUARI 2023**